

Oraziun da Taizé: la proscima oraziun de Taizé ven tignida en vendres ai 21 de ma ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Pelegrinaje: l'uniun dles porsones vedoes y sores dla Val Badia envieia en jöbia ai 1 de jügn a n pelegrinaje a Sarnthein. Le bus peia ia da La Pli ales 7:30, da Al Plan ales 7:45 y da Longega ales 8:00; ales 11:00 gnará zelebré tla dlijia da Sarnthein na santa messa. lade, marena y picia marena costa 40,00 €. Al é da s'anunzié dan dai 28 de ma pa Maria de Ierthele ☎ 0474 501322.

KVW Senioreclub: en dedemesaledema ai 17 de ma junse n pelegrinaje a Maria Luggau. I piun ia dal cone demez con le bus ales 8:30; da se prenoté pa Lidia, ☎ 3397899107

Zenter Families Mareo: le ZFM organiseia n curs da porté i pici en vendres ai 26 de ma dales 9:30 ales 11.30. Al gnará mostré deplü sorts de posibilités da porté, por ciafé fora cara co vá le miú por oma y möt. Enformaziuns pa Sofia, ☎ 338 7173577.

Grup Atmosfera: en jöbia ai 18 de ma ales 15:30 s'encunta tla sonta dal Raiun Sozial a Picolin le grup de tomp lede Atmosfera por eres y ei atochés da problems psychics. I modelarun con arjila adöm con Irina Tavella y Barbara Rungger. Enformaziuns pa Sabine Rainer ☎ 0474 524519. Vignönn/öna é bengnüs.

Sorvisc ai Jogn/1: chireste ciamó n laur por l'iste? Este enteressé da cuché ete tal monn dal laur? Aste danter 13 y 19 agn? A ci aspeteste pa spo? Scriete ete al proiet JABA 2017! Les iscriziuns pó gní fates dai 15 ma ennant te SaJ, ☎ 0474 523070.

Sorvisc ai Jogn/2: referat sora la seureza sön Internet con Marco Anvidalfarei, en sabeda ai 20 de ma ales 18:00 tal zenter dla Joneza SaJ.un a La Ila. Al gnará baié sora: virus co fira sön Internet, co fá da capí sce na e-mail é da meter averda, tips y trics por se sté plü saurí sön Internet.

Sorvisc ai Jogn/3: al ven chirí voluntars a daidé por la „Festa dai mituns 2017“, en dedolönesc, ai 11 de iuli dales 9:00 ales 17:00, o ince ma por mez le de. Chi/cheres co ess enteres pó s'anunzié cina ai 27 de ma te SaJ, ☎ 0474 523070.

Conzert: la Musiga da La Val envieia al conzert de iubileum por i 90 agn en sabeda, ai 13 de ma ales 20:30 te palestra a La Val.

Döt le bun a:	Giovanni Nepomuk Agostini, Valsperch	15.05.1932
	Jep Palfrader	16.05.1934
	sr. Angelica Daverda, Legnano	17.05.1930
	Milio Winkler	17.05.1933
	Jan Brandlechner	18.05.1933
	Veronica Willeit ved. Steiner, Braies	20.05.1937
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 Mhz

UNITÉ PASTORALA



VAL BADIA
www.unitepastorala.org

Ann A

14.05.2017 - Cuinta domegna de Pasca

n. 25

Gejú Crist nosta strada

☞ St.Ap 6, 1-7 | 1 Pire 2, 4-9 | Jan 14, 1-12

Dal Vangelo do San Jan:

Te chel tomp á Gejú dit a sü discepui: ¹Osc cör ne se lasces nia turbé. Cherdéde te Dio y cherdéde te me! ²Tla ciasa de mio Pere él trepes abitaziuns. Sc'ara ne foss nia ensciö, ves essi dit danló: I va a ves arjigné ca n post? ³Canch'i sarun jü y ves ará arjigné ca n post, vegni endô, y i ves condüji da me, por ch'i seise ince os, olache iu sun. ⁴Y olache iu va – chel tru conesceise pö. ⁵Tomesc ti á dit: Signur, i ne sán nia olache te vas. Cò désson pa spo conesce le tru? ⁶Gejú ti á dit: lu sun le tru y la verité y la vita; degügn ne röa dal Pere ater co tres me. ⁷Canch'i m'areis conesciü, conesciareise ince mio Pere. Belo sen le conesceise y l'eise odü. [...]

I ponsun do

Nos sun cristiagn deach'i se sontiun liés ala porsona de Gejú Crist. Nosta fede é basada dandadöt sön le raport vi con el. Gejú rosserí se lascia tó pert a söa vita y s'accompagneia; chel co va con el, é sön le der tru.



I periun

Beldio, Gejú Crist é le tru co condüj a te. Fá ch'i capiunse che nosta vita á direziun y travert, sc'i metun nosta speranza sön el co vir y regneia con te tl'eternité.

Wilhelm Egger "Sonntagsbibel"

☞ Letöres dla Sesta domegna de Pasca:

St.Ap 8, 5-8.14-17 | 1 Pire 3, 15-18 | Jan 14, 15-21

Edema liturgica dai 14.05. ai 21.05.2017

DOM 14.	Cuinta domegna de Pasca - De dla Oma FESTA DLA PRÖMA SANTA COMEGNUN	Bonifaz
► 09:00 10:00	i acompagnun les 4 mitans y i 3 mituns dla Pröma Santa Comuniun da paiun te dljia, gran messa en onú dl'Eucaristia y de Santa Maria dal Bun Consei por ei y por la comunité <i>♪ scolari</i> s.m. a Al Plan con le vesco Mons. Giuseppe Anfossi	
Lön 15. 19:30	Sofia, Sonia, Isidor, Friedrich corona en onú de Santa Maria con la Joneza por perié do so aiüt	
Ded 16. 07:30	Johannes Nepomuck, Ubald, Adolf s.m. por + Gottfried Frena, Salaronz s.m. por +tes Lidwina y Irma Erlacher, Cargá	
Dem 17. 7:30	Dietmar, Walter s.m. a Al Plan	
Jöb 18. 18:00 19:30	Jan I., Burkhard, Felix, Erich a Al Plan, funziun de ma por i senioren, abelida dal cor dai senioren s.m. por + Massimo Topran Cutin s.m. por +ti Heinrich y Rosa Agreiter, Orghelist s.m. por + Maria Kehrer ved. Vollmann, Slugher	
Ven 19. 07:10	Ivo, Zelestin V., Cuno s.m. a Al Plan	
Sab 20. 07:30	Bernardin da Siena, Elfriede, Valeria, beata Josepha s.m. por la fam. Lois y Hannelore Pedevilla, Soröa s.m. ad intenziun y de rengraziament dla fam. Isidor y Frieda Agreiter, Brach	
DOM 21.	Sesta domegna de Pasca FESTA DLA CONFERMAZIUN	Hermann Josef, Christophorus Magallanes y compagns
► 08:15	gran messa por döta la ploania oferta por i debojügns dla ploania	
► 09:30	a Al Plan, salüde y ingres dal Hotel "Sole" demez te dljia gran messa en onú dal Spirit Sant por crejimandi, toc y families y aministraziun dal Sacramont dla Confermaziun con le degan dal dom da Porsenú Sig. Ulrich Fistill	
ampola:	por la familia Frontull, Mareo	
ministronc:	► da doman y domegna: Nadia Frontull y Daniele Ellemunter ► da sera y domegna: Roman Frontull y Armin Elliscases	
i recordun:	Ida Peslalz Magrotti, Balsan	+ 15.05.2010

 **Iu sun le pan dla vita**

Gejú ti á dit: Amen, amen, iu ves diji: Nia Mosé ne ves á dé le pan dal ci, mo mio Pere ves dá le der pan dal ci. Deache le pan che Idio dá, ven jö dal ci y ti dá al monn la vita. Sön chera l'ái perié: Dasse dagnora cösc pan! Gejú ti á respognü: Iu sun le pan dla vita; chel co ven da me n'ará mai plü fan, y chel co crei te me n'ará mai plü sei. (Jan 6, 32-35)



 **Jesus mein bester Freund**

*Jesus deine Nähe macht mich froh,
Jesus mein bester Freund.
Jesus ich verlass mich ganz auf dich,
bei dir ist grenzenlose Liebe für mich.*

*Ich vertraue dir,
bei dir darf ich sicher sein.
Ich vertraue dir,
du lässt mich niemals allein.*

*Jesus deine Worte bleiben wahr,
Jesus mein bester Freund.
Jesus du bist mein Zufluchtsort
und nichts und niemand bringt mich von dir fort.*



 **Preghiera a Maria, donna dell'ascolto**

Maria, donna dell'ascolto, rendi aperti i nostri orecchi; fa' che sappiamo ascoltare la Parola del tuo Figlio Gesù tra le mille parole di questo mondo; fa' che sappiamo ascoltare la realtà in cui viviamo, ogni persona che incontriamo, specialmente quella che è povera, bisognosa, in difficoltà.

Maria, donna della decisione, illumina la nostra mente e il nostro cuore, perché sappiamo obbedire alla Parola del tuo Figlio Gesù, senza tentennamenti; donaci il coraggio della decisione, di non lasciarci trascinare perché altri orientino la nostra vita.

Maria, donna dell'azione, fa' che le nostre mani e i nostri piedi si muovano "in fretta" verso gli altri, per portare la carità e l'amore del tuo Figlio Gesù, per portare, come te, nel mondo la luce del Vangelo. Amen.

Papa Francesco

 **Vita de ploania y de paisc**

- **Confermaziun:** en domegna ai 21 de ma sarál a Al Plan la festa dla confermaziun. En cösc de ciará ince 12 mituns y 6 mitans de nosta ploania da signor Ulrich Fistill, degan dal dom da Porsenú, le Sacramont dal Spirit Sant. I orun se recordé da i tó ete te nostes oraziuns!